

Visokoškolska ustanova

Visoka škola za finansije i računovodstvo FINra Tuzla

S E N A T

Broj: 02-854-9/22

Tuzla, 01.09.2022. godine

Na osnovu člana 63. Zakona o visokom obrazovanju TK („Službene novine Tuzlanskog kantona“, broj: 21/21- prečišćeni tekst, 22/21- autentično tumačenje i 5/22) i člana 39. Statuta FINra, na 51. (pedesetprvoj) sjednici održanoj 01.09.2022. godine, Senat visokoškolske ustanove Visoka škola za finansije i računovodstvo FINra Tuzla donosi:

ODLUKU

o izmjenama i dopunama Nastavnog plana i programa i silabusa u okviru studijskog programa „Računarstvo i informatika“

I

Usvajaju se izmjene i dopune Nastavnog plana i programa i silabusa I ciklusa studija u okviru studijskog programa „Računarstvo i informatika“ na visokoškolskoj ustanovi FINra, kako slijedi:

A)

U Nastavnom planu i program vrši se izmjena broja časova za određene predmete u svrhu usklađivanja sa pozitivnim pravnim propisima, odnosno izmjenama i dopunama Standarda i normative visokog obrazovanja Tuzlanskog kantona.

B)

U Nastavnom planu i program vrši se izmjena silabusa nastavnih predmeta u svrhu unapređenja silabusa predmeta, posebno kada je riječ o ciljevima, ishodima učenja i sadržajima predmeta.

Navedene izmjene iz stava 1. ovog člana vrše se u svrhu realizacije datih Preporuka Komisije stručnjaka za akreditaciju.

C)

U Nastavnom planu i programu vrši se izmjena nastavnih predmeta tako da:

- 1. U drugoj godini u III semestru umjesto nastavnog predmeta “Programiranje . NET okolini” uvodi se nastavni predmet “Poslovni engleski jezik”.**
- 2. Umjesto nastavnog predmeta “CMS” u trećoj godini u V semestru uvodi se predmet “Napredni poslovni engleski jezik”.**

II

Izmjene i dopune iz člana 1. ove Odluke ne mogu se primjenjivati retroaktivno, u smislu utvrđivanja dodatnih obaveza studentu za studijske godine koje je uspješno okončao.

III

Ova Odluka stupa na snagu danom donošenja, a primjenjuje se počev od akademske 2022/2023. godine.

O b r a z l o ž e n j e

U skladu sa usvojenim izmjenama i dopunama Standarda i normativa visokog obrazovanja Tuzlanskog kantona, Senat je usvojio predložene izmjene i dopune Nastavnog plana i programa i silabusa studijskog programa “Računarstvo i informatika” u svrhu prilagođavanja pozitivnim pravnim propisima.

Komisija stručnjaka za akreditaciju dala je određene Preporuke za unapređenje kvaliteta na visokoškolskoj ustanovi FINra, a koje se, između ostalog, sastoje u sljedećem:

“Metodološki jasnije i konzistentnije definiranje ishoda učenja na razini studijskih programa, studijskih usmjerenja i nastavnih predmeta.”

“Provođenje daljnjih unapređenja i metodoloških ujednačavanja silabusa predmeta, posebice kada je riječ o ciljevima, ishodima učenja i sadržajima predmeta.”

Shodno navedenim Preporukama, Senat je usvojio izmjene i dopune silabusa nastavnih predmeta u cilju metodološkog ujednačavanja silabusa predmeta na način da se izvršila modifikacija i unapređenje ciljeva, ishoda učenja i sadržaja predmeta. Osim toga, navedenim izmjenama i dopunama silabusa, izvršeno je metodološki jasnije i konzistentnije definiranje ishoda učenja i na razini nastavnih predmeta.

Razmatranjem Nastavnog plana i programa prvog ciklusa akademskog studija na visokoškolskoj ustanovi FINra, te praćenjem njegove realizacije u proteklih šest akademskih godina, ustanovljena je potreba da se izvrše određene izmjene, a koje podrazumijevaju sljedeće:

1. U drugoj godini u III semestru umjesto nastavnog predmeta **“Programiranje . NET okolini”** uvodi se nastavni predmet **“Poslovni engleski jezik”**.
2. Umjesto nastavnog predmeta **“CMS”** u trećoj godini u V semestru uvodi se predmet **“Napredni poslovni engleski jezik”**.

Usklađivanje navedenih izmjena sa spoznajama proisteklim iz izvršene unutrašnje evaluacije studijskog programa ne smatra se znatnijim promjenama, već su izvršene u svrhu usklađivanja sa pozitivnim pravnim propisima i provođenjem Preporuka Komisije stručnjaka za akreditaciju, te predstavlja dio osiguranja kvaliteta.

Shodno navedenom, Senat visokoškolske ustanove FINra je na sjednici Senata održanoj 01.09.2022. godine, donio Odluku kao u dispozitivu.

Prilog:

- Pregled izmjena i dopuna Nastavnog plana i programa i silabusa

Dostavljeno:

1x Senatu i

1x a/a



Official stamp of the President of the Senate of FINra. The stamp is circular and contains the text: "VISOKOŠKOLSKA USTANOVA VISOKA ŠKOLA ZA FINANSIJE I RAČUNARSTVO TUZLA". The text "FINRa" is prominently displayed in the center. To the right of the stamp, the text "PREDSJEDAVAJUĆI SENATA" is printed above a handwritten signature. Below the signature, the text "Dr. sc. Ismet Kalić, vanr. prof." is printed.